

FLA-toekennings goed vir mededinging

Die land se beste versekerings-
produktverskaffers is Donderdag-
aand aangewys tydens die vereni-
ging vir finansiële tussengangers
(FLA) se 2009-toekennings. Met dié
jaarlikse toekennings erken FLA
en sy lede die produktverskaffers
wat uitstaande diens, produkte en
gehalte lewer.

In die kategorie vir kortter-
mynersekering het Santam al
drie toekennings verower in die

persoonlike, kommersiële en kor-
poratiewe kategorieë. Discovery
is aangewys as die beste verskaf-
fer van langtermynversekering
(risiko-, sowel as lewensverseke-
ring), terwyl Momentum aange-
wys is as die beste beleggingsver-
skaffer. Liberty is aangewys as
die wenner in die nuwe kategorie
vir die verskaffing van werkne-
mersvoorrede. Discovery is ook
aangewys as die voorste verskaf-

fer in die gesondheidsorgkatego-
rie.

“Die FLA-toekennings bied aan
tussengangers die geleentheid om
hul interaksie met versekerings-
verskaffers te beoordeel en dit
moedig gesonde mededinging tus-
sen verskaffers aan,” sê Arnold
van der Linde, FLA se president.
“FLA-lede beoordeel die top-verse-
keraars wat betref produktegehal-
te, gehalte van diens en verhou-

dinge en algehele tevredenheid.”

Die toekenningsremonie is die
hoogtepunt van ’n wetenskaplike,
onafhanklike proses deur die na-
vorsingshuis Bluestream Consul-
ting. Die toekennings het vanjaar
vir die vierde keer plaasgevind.

Die metodologie wat gebruik
word, word deur eksterne akade-
mici in die velde van navorsing
en statistiek hersien. Die navor-
sing is gegrond op die evaluering

van 4 300 versekeringskontrakte.
“Die FLA se jaarlikse navor-
singsinisiatief help om riglyne te
stel vir statistiek om verseke-
ringsprodukte en -diens te beoor-
deel,” sê Van der Linde.

FLA-lede tree op as tussengan-
gers vir meer as 85% van alle kort-
termynversekering en 40% van fi-
nansiële beplanning in Suid-Afri-
ka. Die vereniging verteenwoor-
dig duisende finansiële dienste-

tussengangers, waarvan meer as
10% by die opname ingesluit is.

Van der Linde sê die toeken-
nings gee erkenning aan die ven-
nootskap tussen tussengangers
en versekeringsmaatskappye vir
die verskaffing van waardevolle
finansiële advies aan hul kliënte.

“Met so baie veranderinge in
wetgewing is dit nie altyd maklik
vir die finansiële tussenganger
om kop bo water te hou nie, maar

die diens en ondersteuning van
ons diensverskaffers maak dit
makliker om dié uitdaging die
hoof te bied.

“Soos wat tussengangers van
versekeraars verwag om uitste-
kende produkte en diens te lewer,
so moedig FLA sy lede aan om te
streef na hoë standaarde van pro-
fessionaliteit, integriteit en be-
troubaarheid wanneer hulle met
kliënte werk,” sê hy.

